


Te Kura Kaupapa
Māori O
Ngā Mokopuna

*Toku reo, toku ohooho
Toku reo, toku mapihi
maurea
Toku reo, toku whakakai
marihi*

He Puna Kōrero





Wahanga 4 Wiki 2—Pānui 26



Te Wahanga Tuawha: nau mai hoki mai e te whānau Mokopuna

Nau mai haere mai e ngā pipi o Te Kahui Kohanga Reo, ko Tukapua Sannyasi rāua ko Mason Parata. Ko Tukapua Sannyasi te tama o Pare Sahida. He mokopuna hoki ia o Bruce Stewart He raukura hoki a Pare o te kura, whānau nei. Nau mai haere mai e Mason Parata, te tama o Katrina Parata, no Ngati Porou, he uri o Te Whānau a Ruataupare.

Nau mai haere mai hoki Hirini, he kaitari mō te tari.



Ngā Wāhanga Kura 2021

Wāhanga 1: 3/2/21-16/4/21 Wāhanga 2: 3/5/21-9/7/21 Wāhanga 3: 26/7/21-1/10/21 Wāhanga 4: 18/10/21-14/12/21

Ko Te Taiao Ako Ki Waho o Te Akomanga

Te Aho Matua 5.10 He mea tino nui te wāhi ako hei whakaohoho i te wairua o te tamaiti ki āna mahi whakaako. No reira, kia kiki tonu te kura i ngā mea whakaihiihi i a ia, i ngā mea pupuri hoki i te hā o te ao Māori. Me whakawhānui hoki tōna wāhi ako ki ngā marae, ki ngā ngāhere, ki waenga pārae, ki te taha moana, ki ngā whare pukapuka, whare taonga me ērā atu whare whāngai i te puna o te mōhio.

Ko Te Taiao Ako Ki Waho o Te Akomanga

Nei rā mātou o te akomanga Kōpuapua Tuakana kua tatū mai anō ki te kaupeka o Koanga, ki te wā o ngā rangi paruhi.


I a rā, i a rā ka puta atu mātou ki te hīkoi i te takiwā o te rua kiromita rānei, ka panui i ngā kāri, ka oma haere ki ngā tōpito o te kura nei. Ki te ora pai te tinana, ka tūwhera ake te hinen-garo ki te ako.

I ētahi wā, ka noho mātou ki waho mo te Whakangā me te Pū Aio. He rawe te whakarongo i ngā manu e wheko ana i a mātou e noho tau ana. Ko tētahi hua nui o te Pū Aio, ka pakari haere te tinana. Kei te ako mātou ki te tū whakaio i te waewae kotahi.

Whai ake, tū ai matou ki waho ki te parakatihi whaikōrero, taki karakia hoki. He akiaki tēnei ki te tamaiti ki te hāpai ake i tōna reo.

Ki te kore e ua, pea ka pānui pukapuka, ka mahi Pangarau hoki mātou ki waho. Kei pohēhē koe, ka ānewanewa nga tamariki, ka korekore rawa. Ae, he hoihoi i ētahi wā, he katakata i ētahi wa, engari ka whakaoti tonu rātou i a rātou mahi. Ki te kore, ka hoki ki roto i te akomanga mahi ai.

Nā reira mo mātou o te Kōpuapua Tuakana, he whānui rawa tā mātou akomanga. Mauri ora.



E te whānau o Ngā Mokopuna, tirohia. He tangata kei tō whānau e whakaaro ana ki te whai i te huarahi kia kaiako rātou? Ekene pea mā rātou tēnei karahipi.

E ngā mana, e ngā reo

Tēnā koutou i ō tātou tini aituā huri i ō tātou marae kāinga. Ko te mārie o te pō ki a rātou, tukuna kia haere, kāti rā.

Tātou te hunga ora e whai nei kia tutuki ngā ōhākī a te hunga wairua, ngā whānau o ngā kura kaupapa Māori i tēnā moka, i tēnā moka, tēnei ka mihi ake.

Teach NZ Scholarships - Te Waka Whakarei Career Changer Scholarship

Kua riro i Te Rūnanga Nui o ngā KKM o Aotearoa (TRN) 10 ngā karahipi Te Waka Whakarei hei tuari ki ō tātou tāngata mō 2022. Ko te hunga ka whai wāhi mai ko ērā o ō tātou kura e tono ana kia whai i ngā tohu kaiako whakaako kura kaupapa Māori i Te Aho Tātairangi rānei, i Te Aho Paerewa rānei. E rua ēnei tohu whakaako kura kaupapa Māori i raro i te maru o TRN me te Whare Wānanga o Te Kūnenga ki Pūrehuroa (Massey University).

Arā ngā paearu o te Karahipi me whakatutuki e te kaitono. Kei tēnei hononga te roanga o ngā kōrero: <https://www.teachnz.govt.nz/studying-to-be-a-teacher/scholarships/teachnz-te-waka-whakarei-career-changer-scholarship/>

Ka kapia e tēnei tahua ngā utu akoranga me te \$30,000 i te tau mā ia tauira ka whakawhiwhia ki te karahipi, mō te roanga o tana tohu (Te Aho Tātairangi x3 tau, Te Aho Paerewa x1 tau).

Hei te **10 o Noema 2021** me tuku e TRN te rārangi ingoa o te 10 tāngata ka tohua e TRN kia whakawhiwhi ki te karahipi. Mena kei te hiahia koutou kia āta whakaarohia e TRN tētahi o te whānau o tō koutou kura, kia wawe te whakapā mai ki a: Anahera Bowen <anahera@runanga.co.nz> 027 479 7294

Tukuna ki a Anahera -

1. Te ingoa o te kaitono
2. Nga taipitiopito pānga o te kaitono
3. Te kura kaupapa Māori o te kaitono
4. Te ingoa o te tumuaki rānei, o tētahi atu kaiārahi o te whānau o te kura rānei, ka tautoko i te tono karahipi a te kaitono.

He karahipi anō ka tuaritā ā te tīmatanga o tērā tau, he karahipi e taea hoki e te hunga tauira ka puta i ō tātou wharekura, ka uru atu ki Te Aho Tātairangi rānei, ki Te Aho Paerewa rānei. Kei tēnei hononga te roanga o ngā whakamārama mō taua karahipi.

<https://www.teachnz.govt.nz/studying-to-be-a-teacher/scholarships/teachnz-te-tipu-whakarito-scholarship/>

Kāti ake e hika mā, noho ora mai i ēnā o ō tātou kura huri i ngā rohe.

Nā mātou noa, nā Ngā kaimahi o TRN

4.1 Ko tona ake kainga te ao tuatahi me te kura tīmatanga o te tamaiti. Tua atu o tenel ko te ao Māori. Ma te Kura Kaupapa Māori ia e arahi i roto i enei nekeneke tae noa ki tona kura whaka-mutunga, ara, ki te ao whanui me ona ahuatanga katoa.

Te Wahanga Tuawha - 28.10.2021

Rāhina	01.11.2021	1pm	3pm	Puna kaukau te kura katoa	
Rāmere	05.11.2021	11am	1pm	Rimurimu: Wharekura, Taiohi Tuākana	
Rāhina	08/11/2021	9am	3.30pm	RĀ KAIKO	Whakangungu ngā kaimahi
Rāpare Rāmere	11— 12.11.2021	9am	3.30pm	Track Zero—TBC	Wharekura. Taiohi Tuakana
Rāhina	15.11.2021	1pm	3pm	Puna kaukau te kura katoa	
Rāhina - Raapa	15.11.2021— 17.11.21	9am	3pm	Hopuni—ngā taiohi katoa Tau 5—8	
Rāhina	15.11.2021	6pm	8pm	Ohu Te Aho Matua	Nau mai haere mai ki
Rāpare	18.11.2021	6pm	1pm	Hui te kaihautu	Te kura katoa
Rāpare Rāmere	18— 19.11.2021	9am	3.30pm	Track Zero—TBC	Wharekura. Taiohi Tuakana
Rāhina	22.11.2021	1pm	3pm	Puna kaukau te kura katoa	
Rāhina	29.11.2021	1pm	3pm	Puna kaukau te kura katoa	
Rāhina	29.11.2021	9.30am		Rā Whakanui o ngā tamariki - Hangi - Whakaaturanga	
Rātū	30.11.21	9am	12pm	Rimurimu—Taiohi Tuākana	
Rātū	07.12.21	11.15am	3pm	He rā hākoako	Te Kura katoa ki te kura
Rāpare	09.12.21			Rimurimu—Whakaaturanga	Taiohi Tuakana—TBC
Rāmere	10.12.21	6PM	7.30pm	Hū wira,	Recreation Centre, Kilbirnie
Rātapu Rāpare	11.12.21 - 16.12.21			Wiki Hākinakina: Wharekura Tuākana	Tauranga Moana
Rāhina	13.12.2021	1pm	3pm	Puna kaukau te kura katoa	
Rātū	14.12.21		3pm	Rā Mauri Tau - ka mutu te kura mō te tau nei	

Ngā Apiti:

- ◇ **Kakahu kura:** whānau wishing to purchase new kakahu kura for 2022, please contact the tari: tari@tkkmmokopuna.school.nz.
- ◇ **Kowheori-19 - Vaccinations:** Notwithstanding Te Kura Kaupapa Māori o Ngā Mokopuna is developing its own specific kaupapa here on this matter, Ngā Mokopuna will be following the Government mandate regarding mandatory vaccinations - kaiako / kaimahi.